

新纂雲南通志

第六函
第十冊

新纂雲南通志卷七十五目錄

藝文考五

滇人著述之書五

集部二

別集類二

新纂雲南通志卷七十五

藝文考五

滇人著述之書五

集部二

別集類二

曼衍集鐵船臺林壑雜藝

清塗大輅撰大輅字玉華號鐵船石屏人明太僕少卿時相之孫
入清後不求聞達道光志已著錄滇詩略錄詩六首保山袁文揆
云田園雜詩數篇皆真樸可誦有道州風味皖江江濬源云玉華
田園詩是善摹陶公桃花源記七律亦近嘉州張釗絃云公詩似
太祝而人品遠勝

頤庵詩文集

清王宏祚撰宏祚號思齋永昌人崇禎庚子舉人官戶部郎中督餉大同入清歷官戶部尙書卒諡端簡滇詩略錄詩十四首滇文略錄文四篇道光志已著錄

平嘯集

清古典撰典字石鏡四川人兄古心崇禎末官雲南按察司副典隨任至滇順治間流賊之亂典爲道人流寓尋甸道光志已著錄
萍寄偶吟醉餘草

清劉範撰範字正木父星海名無考霍邱人隨永曆帝入滇以功擢至總兵永曆帝亡隱居蒼山後以事戍寧古塔弟彬迎歸太和兄弟幕遊兩迤範占籍太和彬占籍永北滇詩略錄詩三十四首

煥瀘逸叟詩集

清鄒應揚撰應揚字季鷹石屏州志里未詳順治丁亥流寓石屏
數年復去臨安府志應揚建水人著有寧儉錄瑞島吟是書石屏
張漢爲之序道光志已著錄

翼聖詩集

清陳于王撰于王字翼聖新興人順治庚子舉人官教諭是書河
陽趙士麟爲之序

彥敦詩集

清劉正撰正字彥敦楚雄人順治庚子舉人是書河陽趙士麟爲
之序

式穀堂文彙

清羅天柱撰天柱字左華安寧人順治辛丑舉人官石屏州學正
道光志已著錄

麻衣隱者集

清范瑞世撰瑞世字泰符蒙化人順治間歲貢生道光志已著錄
春生草堂詩集素庵文集

清陳時霈撰時霈字解如號素庵蒙化人順治辛丑舉人官路南
州學正詩集道光志已著錄謂河陽趙士麟爲之序攷讀書堂全
集有陳素庵文集序無春生草堂詩集序文集序云蒙陽御鹿野
人陳解如君子鄉同年友也性孝友姿稟穎異於書靡所不讀善
屬文喜吟咏尤工書法負才名者久甲辰同公車未第旋秉路南
鐸教士有法後以滇阻音問罕至蕩平知無恙歲甲戌令嗣仙月

君來就館學於雍中予方詢乃翁興居而仙月零涕曰丙寅歲先
小子逝矣予驚悼之徐出二編示予請予序讀之益歎野人之深
於道而非尋常才士之比也深於道故文式典規謨詩出風入雅
一片靈心三寸拈管遂能挾造化之奇祕蜚六詔之英聲駸駸乎
上爲列星光乎宇壤云云觀士麟序時霈詩文皆有集也茲據士
麟序增文集

菜根齋集

清王佑命撰佑命字命爾新興人晚號種松老人治菜根齋以自
娛因以名其集卒年八十餘道光志已著錄新興州志錄詩六首
偶然詩草

清無名氏撰保山徐崇岳有序稱撰者爲昆明人號梅林其姓氏

俟考道光志已著錄

大漁集北游草

清闕禎兆撰禎兆字東白號大漁通海人康熙癸卯舉人少負經世之學於國計盈絀吏治臧否民生利病靡不淹貫該洽燭照計數演大吏范承勳許宏勳王繼文器其才禮聘咨詢均徭平賦諸大政多所籌畫禎兆詩不如文文不如書演詩略錄詩五首通海縣志錄詩七十二首演文略錄文九篇賦一篇道光志已著錄

造適軒集

清徐崇岳撰崇岳字石公保山人康熙癸卯舉人公車未第遂樂志林泉吳三桂聞其名強之仕不屈絕迹公門以詩文自娛嘗與修通志是書道光志已著錄演詩略錄詩五十首餘姚翁元圻云

徐石公人品絕高其詩品亦幾如王元美自珊瑚木難及牛溲馬勃無所不有樂府古今體皆卓爾成家矣皖江江濬源云石公詩人謂其學李學杜學韓學義山學漢魏固有目者所共觀余謂其尤善昌谷如莎鷄聲老霜黃泣及寶峯山頂舊青碧二章非其彰明較著者乎新建杜鈞云永昌詩家自愚山先生後惟石公繼起宗漢魏之高古得杜陵之深厚雖律體時亦闌入宋元然盡而有餘久而更新風流彌著卓然成家矣

妙香國草

清高翮映撰翮映見前經部易類是書前有伍柳序及自序凡例五則詩題後有題釋古坪同人李銘螳川門人羅天柱同校後附與榆中諸子論文說道光志已著錄

世長詩文集

清劉世長撰世長阿迷人康熙初歲貢生流寓開化是書道光志已著錄

鶴嶠文集

清張士宏撰士宏通海人康熙初貢生官姚安府訓導道光志已著錄

鐵園嚙語集

清劉彬撰彬字玉章永北人道光志已著錄

綠影草藜館集

清劉宏文撰宏文字然乙浪穹人康熙間布衣道光志已著錄

詩略錄詩七首

讀書堂集四十六卷

清趙士麟撰士麟字麟伯號玉峯河陽人康熙甲辰進士官至吏部侍郎四庫集部別集類存目提要云是集爲士麟所編凡語錄四卷文十七卷詩二十一卷條約四卷大抵應酬之作冠以序一卷題詞一卷密行細字凡八十三頁裒然自爲一冊亦向來刻集所未有也茲考是書爲其門人姚士藹楊爾淑梁永淳汪光被汪晉徵戴名世汪灝施發甲史岱施鼎曾楊甲壯徐炯劉凌雲趙師禹趙嗣葉裴倬度劉愈韋鍾藻彭寧求王抑等所輯其子宸黼編刊於京師其後版片散失書亦流傳不廣迨光緒癸巳浙江巡撫劉樹堂以士麟昔撫浙江功德在民孤山曾祠祀之求刊其遺集署海寧州知州晉寧蘇嘉淦出所藏鈔本付刊版存浙江書局而

流傳甚廣雲南叢書收入亦借印於浙道光志已著錄滇詩略錄
詩四十六首滇文略錄文二十四篇

釜水吟一卷

清李崇階撰崇階字象岳浪穹人浪穹縣志僅載崇階著儒宗正
統正學錄諸書不言有此則此集爲罕見之本詩皆出自機杼心
思極新雖新而近鑿如蜀道之驚人行樹杪怪艇出煙端又峽援
巫嶺峻閣倚劍峯蹲似乎太過然可謂不拾牙慧者雲南叢書處
刪數十首收入叢書滇詩略錄詩三首

墨芸草

清張錦蘊撰錦蘊見前經部四書類是書道光志已著錄滇詩略
錄詩三首

竹月軒集

清甯寅撰寅字亮天號語石子蒙自人康熙初候選州同道光志已著錄

候蟲吟

清顧自強撰自強字健庵寧州人道光志已著錄

落落吟畸談

清楊夢碧撰夢碧寧州人道光志已著錄

濫

一作蘭

溪詩集

清張凌雲撰凌雲寧州人康熙間貢生道光志已著錄

蒼葭六集芷江草煙溪集

清王用賓撰用賓見前經部諸經總義類是書道光志已著錄

晚春堂詩八卷

清文化遠撰化遠字又山又號可村漁隱呈貢人祖堯之孫俊德之子也以詩中出處歲月考之化遠蓋生於明崇禎癸未清康熙五年丙午舉鄉薦時年二十四歲又六年壬子曾權湖南淑浦縣事未幾解去回滇其後客遊大理姚安曲靖遠至粵西卒歸老於家其詩以辛巳編成自爲之序至癸未姚安高喬映爲序而刻之化遠交游自喬映而外如徐崇岳闕禎兆許鴻朱昂林益長張端亮張紫文徐在魯輩皆一時耆舊也韻語清健感時撫事之作尤悲涼動人祖硯父書非第能負荷而已是書爲高喬映評選前有徐崇岳序並自序收入雲南叢書滇詩略錄詩二十四首

五峯詩集

清李佐明撰佐明字文韓廣西府人康熙初諸生道光志已著錄
鏡舫詩集

清孫申之撰申之號崧岳石屏人康熙己酉舉人道光志已著錄
罌吹亭詩集

清張紫文撰紫文字原質號集庭澍江人康熙己酉舉人道光志
已著錄演詩略錄詩三首

撫松吟

清張端亮撰端亮字寅揆號退菴蒙化人康熙己酉舉人歷官浪
穹教諭石屏學正升澼縣知縣是書有施秉宋某序又乾隆辛巳
安福管學宣官麗江府知府端亮門人萬咸燕官麗江府教授爲
之求學宣序付刻道光志已著錄演詩略錄詩三十五首學宣序

云古人稱三不朽庶幾近之矣於逆藩不變節其德也於仕稱其位若浪若屏若澁厥功在焉詩以言志其五七律已升老杜之堂而入其室其各體亦悉備晉唐人之格而要其成信哉有德之言也宋序云退庵爲余己酉分校滇闈所得士甲寅逆藩之亂退庵守貞不出氣節凜凜不可奪戊辰公車過施秉贈予有立來門雪冬偏暖話落窗燈夜正長之句韻致清新予始知其能詩後以撫松吟一冊寄予商訂其爲詩也莊而雅秀而逸工麗而淡遠皆得乎性情之正而與三百有合予心折焉君固以文章顯以氣節高更以風雅擅長者矣

自箴集環菴軒稿

清熊兆鑑撰兆鑑字愛鼎蒙化人康熙己酉舉人由鶴慶府教授

遷靈邱縣知縣道光志已著錄

嫖妍集一卷

清趙鳳閣撰鳳閣字懷夢號雲翥通海人其孫城爲新安呂履恆
康熙戊子滇闈所取士因求履恆並襄城劉青芝爲之序乾隆壬
戌城跋而刻之道光志已著錄

鶴林雅集微山詩品

清王正撰正楚雄人康熙己酉副貢生官至元江府教授道光志
已著錄

萬青逸稿

清楊燦撰燦見前經部易類有易學心聲道光志合是書著錄

鹿城雜詩孤雲居稿